

آبونه شرائطی

داخلی ، خارجی هریر ایچون
سنه لای (۲۵۰) ، آتی آیانی
(۱۳۰) فروشدر .

[نسخہ سی ۵ فروش ،
سنه لای ۵۲ نسخہ در .]

اداره خانه

باب عالی جاده سنده دائرہ مخصوصه

اخطارات

آبونه بدلی پشیندر

مسلسکه ، وفاق آثار مع المنونہ
قبول اولنور ، درج ابدلہ بن
یازیلر اعاده اولونماز .

کتابخانه

۱۳۳۰

دینی ، فلسفی ، علمی ، ادبی - هفته لاق مجموعه اسلامیه در

والله یهدی من یشاء الی صراط مستقیم

باش محمد
محمد عاکف

صاحب و مدیر - مسئول
اشرف ادیب

اتیموز اهدکم - بیل الرشاد

عدد : ۳۶۲

۹ شوال

نخشبہ

۱۸ تموز ۳۳۴

جلد ۱۶

اخطارات
آدرس تبدیلیانده آریجه بش
کوندرلیدر .

مکتوبلرک امضالری واضح
واوقوناقلی اولمسی و آبونه صره
نومر و سنی محتوی بولمسی لازمدر .

ممالک اجنبیه ایچون آبونه
اولانلرک آدرس لری نلک قرانلر .
جده یارلمسی رجا اولنور .

یاره کوندرلیدی زمان نه به
داثر اولدیغنلک واضحاً یلدرلمسی
رجا اولنور .

« حصوله کلان غلای اسمار سبیل اهلینک دوچار اولدینی احتیاج »
 « و ضرورتک ازاله سی ایچون ندایر سریعه و مؤثره اتخاذا و مجرمین »
 « سیاسیه دن محیوس و یا موقتاً منفی بولونانلردن اصلاح حال »
 « ایده نرله جرائم عادیه اصحابندن ثلثان مدت جزایه لرینی اکیل »
 « ایلیانلرک عفو اولونمق اوزم دفترلرینک تنظیم و تقدیمی و مطلق »
 « حربیه نک غیری محللردن اداره عرفیه نک رفی ضمنتده مناطق »
 « مذکورہ نک هیئت و کلامرجه بالنعین برآن اول عرضی و بومحلالر »
 « دیوان حرب عرفیلرندہ رؤیت ایدلمکده اولان امور جزایه نک ده »
 « محاکمه سوقی واستحصالات مملکتک تکثیریلہ احوال »
 « اقتصادیه مزک اصلاحنه بالخاصه اعتنا ایدلمسی مطلوب مزدر »
 « دولتمزک سلامت و تزئید شان و قدرتی مملکت مزک الجآت »
 « و مقتضیات مدنیتہ کورہ حصول ترقیاتی ضمنتده عون حقہ »
 « و امداد روحانیت حضرت پیغمبری به مستنداً واقع اوله حق »
 « مساعیمزہ و کلامرله مجلس عمومی ملیمزک و بالجملة مأمورین »
 « حکومت مزک احوال حاضرہ نک اهمیت فوق العاده سی پیش نظر »
 « جمیت و عبرتہ آلہ رق اونستده بذل معاونت ایدہ جک لرینہ وثوق »
 « و اعتماد برکالدر »

« سلف محترمک دول مرکزیه و قومشومز بولغارستان ایله »
 « اتفاق و ادامه حسن مناسبت خصوصیتده کی سیاستی منافع حقیقیه »
 « مملکتہ بالوجوه موافق اولغله دول مشارالیم ایله دولتمزک یشتندہ »
 « تیناً موجود روابط اتفاقیه و مناسبات صمیمیه نک تشدید و توثیقنه »
 « صرف همت و مزید غیرت اولونمسی نخبه مقاصد مزدر حرب »
 « حاضرک زمرة اتفاقیه مزک مظفریت کامله سیله رسیده حسن ختام »
 « اولسی الطاف صمدانیه دن مأمول اولوب بونتیجه خیریه نک »
 « صورت بذیر حصول اوله بیللمسی ایچون قوای بریه و بحریه مزک »
 « عموم جبهه لرده کماکان ابراز و ابدال شهامت و شجاعت ایدہ جک لری »
 « و جبهه آرقه سندہ کی افراد ملتک دخی عزیم فدا کاریسندہ ثبات »
 « و دوام ایلیه جکی نرمزده شهنه دن بریدر »
 « همان جناب حق جمله مزری مظهر توفیقات بویورسون »
 « آمین بحرمه سید المرسلین »

۲۹ روضه ۱۳۳۶ ، ۸ محرم ۱۳۳۵

محمد وحید لدن

تاریخی خط هایون

رمضان شریفک یکریمی دو قوزنجی بازار ابرتسی کونی مسند
 صدارتک دولتلو فحامتلو محمد طلعت پاشا حضرتلرینہ مقام
 مشیختک دولتلو ساحتلو موسی کاظم افندی حضرتلرینہ ابقاء

توجیه بیوردیغنه دأر اولان خط هایون مراسم مخصوصه ایله
 باب عالیده قرائت ایدلدی . خط هایونک قرائت ایدلمسیله برابر
 عمومک سیالرنده بر بشارت، المبلرنده برانشراح حس ایدیلورایدی .
 خاندان خلافت عثمانیه نک الدعوی آثار تمایزندن بری اولان
 کمال مرحمت و فرط شفقت و عاطفت حسلرینک تجلیاتنه معکس
 اولان خط هایون ملوکانه مضمون عالیسی حربک بار ثقیل مصائبی
 آلتندہ قامت مقاومتی اکیلوب بوکولمش، شدائد روزگارک تعاقب
 و توالیسیله حیاتندن بی زار اولاق درجه لرینہ ککش اولان امت
 نخبیه عثمانیه اوزرنده نه علوی ، نه حیات افزا بر تأثیر لطیف
 حصوله کتیرمشدر .

« السنة الخلق اقلام الحق » بر حقیقت مأثورہ اولدیغنه کورہ
 هیچ شبهه یوق که پادشاهمز خلیفه معظممز سلطان محمد و حیدالدین
 خان سادس افندمز حضرتلرینک عهد هایون ملوکانه لری بمن
 و مسعدت ، مهابت و سطوتله مملو بر عهد فیض و نجاح اوله حق ،
 ششمه مجد و اقبالی بتون عالم اسلامی سلطان سلیم اولک ، تفرقه
 عنصریه شائبه لرندن ، هوسات جاهلیه تمایلاتندن پک اوزاق
 برحاله وحدت اسلامی غایبه مسعوده سی تجلی ایتدیرن عهد کزین
 شوکت قرینک یاد مفاخریلہ شادکام ایدہ جکدر .

بو کزیده املک تحققة فصل بر مانع تصور اولنه بیلیرکه سطوت
 باهره سی اسلامی عصر لرجه اوج معالی شوکت و عظمتندہ
 یاشاتمش ، دشمنلرینک شعله اقبال و احتشامی سوندیرمک
 خصوصیتده کی آمال خاسره لرینی محکوم عقامت برافش اولان او
 دودمان جلیل الشانک سلاطین عظامی کی امرای فحامی ده
 بیلیر و تقدیر ایدیورلرایدی که سلطنت عثمانیه ایله خلافت اسلامی
 بنیان مهابت و سطوتلرینک ناقابل انفکاک ایکی رکن ، مهمی مغبوط
 ام و اقوام اولان دیهم ملک و حاکمیتلرینک ایکی در یتیمیدر .
 صکرملری بیلنمز فصل اولدی ده سیف صارم خلافتک تاب و رونقنی
 محافظه ایله اعتنا قیدی اسکی اهمیتنی غائب ایتدی .

سنه لر کچدکجه بواهاال و لاقیدینک نتیجه سی اوله رق اوسیفک
 صفحه مجلاسی اوزرنده بریکن قات قات باصلر اونک شعله شان
 و شرفنی، علیل و کونه بین نظرلرک سچ بیللمه سنه مانع اولمشدی .
 جوق شکرکه خاقان معظممز عصرلرک میراث خطیاتی اولان
 کشف باص طبقه لری آلتندہ اوسیف صارمک مایه و جوهرنده کی
 صافیت و مکملتی چشم دورین عرفان و کرامتله کورده رک اوزرنده کی
 کشف طبقه لری ازاله ایله سلطنت عثمانیه نک کشورلر فتح و تسخیر
 ایدن ، عظمت و حاکمیتنه فارشی کاشانه بویون اکدیرن ، بر نیجه
 حکمدار جهانک سریر اقبال و احتشامی سرنکور ایدن بو قدرت
 مهیمه سی اعاده ایتک خصوصیتده او سیف قیمتداری تأثیر
 مهمندن استفاده ایتک ایچون تکرار اله آلدی . ذاتاً طبیعیدرکه
 قلیچک صاحبی اونک قیمت و مزینتی هر کسندن اعلا بیلیر
 و تقدیر ایدر .

مسلمانلوقده خلافت

حرب عمومینک باشلانغچندن بری خلافت اسلامیة بحقی اطرافده برچوق سوزلر سولنیور، یومی غزته لر، علمی وادی مجموعهلربونک موضوع و غایه سی، مقدارلری سکنه ارضک ربعنه بانغ اولان ائم اسلامیة اوزرنده کی اجتماعی تأثیرلری حقنده متوالیاً برطاقم افکار و مطالعات سرد ایدوب دورنیورلر. فقط یازیلوب چیغان شیلرک کثرت و مبدولیتنه رغماً هیچ برینک حقیقت مسئله حقنده بیانات شایه ده بولندیکی کورولنیور.

«خلافت» سوزی شهرسز عالم اسلامده اسکی برسوزدر. ایلک بو عنوانی احراز ایدن یدنجی عصر میلادی اثناسنده فخر کائنات صلی الله علیه و سلم افندمنک ارتحالی متعاقب ابوبکر الصدیق حضرتلری اولمشدر.

«خلافت» کلمه سی برچوقلرنجه، باخصوص اوروپاچه یا کاش تفسیر ایدیلرک قبولیک عالنده بابالق مقامی نه ایسه عالم اسلامده خلافت روح و غایه اعتباریه عینی شی تلقی اولنیور. بو کیلرجه «خلافت» کلمه سی معنوی برنفوذ، روحانی بر قدرت و سطوتک منشأی اولان وظیفه دینی و لمقدن بشقه بر معنی افاده ایتز. حقیقت حالده ایسه بو خصائص کلمه ک و وضع اصلیندن جدا بئید و حقیقی معنائک تعین ایتدیکی وظیفه یه غیر مطابقدر.

سو فکریمیزی ده ا واضح سورنده ازهان قارئنه برلشدیرم. بیلیمک ایچون شوراده بعض حقایق علمیة اسلامیة دن بجه مجبوریت سس ایدیورز:

توحید، قرآنک تأییدینه چالیشدینی، اوغورنده اهل شرک و عبده اوتان ایله اک صرب مجاهده لر کیریشدیکی ارکان اسلامک اک مملرندن بریدر. اسلام کندی قاعده سیاسیة و اجتماعیة سی صرف توحید سایه سنده وضع و تقریر و موفق اولمشدرکه اوقاعده ده متغلبه، اشراف، جباره ملوک و امراک نفوذ مادیلرینی، طوائف محدودمنک اکثریا حظوظ نفسانیة و مقاصد دنیویهلرینه ظفریاب اولق ایچون آلت اتخاذ ایتدکاری نفوذ روحانی بی ییقمق ایچون اسلامک اتده قوتلی برالطه قوت و تأثیرینی کوسترمشدر. اوت اسلامده توحید اساسی هر کسک بر راعی اولوب رعیه سنک نیک و بد احوالندن مسئول بولندیکی، لایسأل آنحق جناب حق اولدینی قاعده سنک یکانه استناد کا هیدر.

بوندن آکلاشیلیورکه باینت و سیاست اسلامیة نظرند حاکم آنحق جناب حقدر. شو قدر وارکه انسانلر احکام الهیه بی تطبیق و امور عامه نک حسن جریانی تأمین ایتک ایچون کندنده قدرت و قابلیت کوردکاری برینی انتخاب و اوکا تفویض امور ایدرلر. شو قدر که جناب حقک انسانلر آرم سنده ایلک خلیفه لری پیغمبرلریدر.

خط هایون ملوکانه قابینه نک موقعنده ابقاسی تضمن ایتمکه قوه اجراییه هم مقام سلطنتک، هم ده ملتک امن و اعتمادینی قازانمش اولیورکه بو، اونک ایچون آمال سنیة ملوکانه نک دلخواه عالی دائره سنده تنفیذ و تمشیقی بولنده کی مساعی مستقبله سی ایچون اک قوتلی برضمان موفقیت تشکیل ایتسه کرکدر.

خط هایون اداره مشروطه و سیاست عادلانه نک روحنی تشکیل ایدن بر طاقم اوامر عالییه احتوا ایتکده در. عدال، امن و آسایش و سائر کبی سیاست حکیمانه نک یکانه محوری اولان لوازم اداره نک استکمالانی امر ایتدکدن صکره خلافتناه افندمنک نخبه آمالی و اجل مقاصدی اولان بر شیئه صورت مخصوصه ده جلب انظار دقت و اهتمام ایدیورکه اوده آداب حقیقیة اسلامیة و مزایای ملیة عثمانیه نک حسن محافظه سی قیدیدر.

بو خط هایونک بالخاصه شو نقطه سی بزله شو حقیقت اجتماعی بی افهام ایدیورکه امتلرک بقا و موجودیتی دیکرلرندن مدار تمایزلری اولان اخلاق و عادات کبی شیلرک موجودیت و بقایله قائمدر. ائم سائرمنک خصائص و مزایاسی تقلیده قالمیشان هر هانکی بر امت کندی موجودیتی غیرک موجودیتی ایچنده افنا ایتمش اولور. انسانک، اوقدر مقبول و مرغوب اولماسه ده، عادات و مزایای ملیه سی استخفاف ایدوب ده ائم سائرمنک عادات و مزایاسی تقلیده چالیشما سی کندیسی و ملتی ایچون موجب ذل و عار اولدیغه شبهه وارمیدر؟ بومسلکده اولان آدملر صفات فردیه اولماسه افراد تمایز ایده میه جکی، امتلرده بو خصوصه عینله افراد کبی اولدینی نظریه سنک محض حقیقت اولدینی دوغومنه یلردر.

خلاصه خط هایون ملوکانه بزی شو حقیقته ارشاد ایدیورکه عثمانیلرکده آداب حقیقیة اسلامیة و موروثات قدیمه ملیه یه مستند برطاقم اخلاق، عادات، اوصاف مخصوصه لری واردرکه کندیلرینی عاله طانیتمش، انسانلر آرم سنده اوکا بر موقع بلند تقدیر و حرمت قازاندرمشدر. عثمانلینی عصرلرجه بر شرف و استقلال معنوی ایچنده یاشاتمش اولان بو خصائص ملیه بی متروک و منسی بر اقبیلله جک هر حرکت، حقیقی وار لغمزی فدا و بشقه لرینک موجودیتی ایچنده افنا ایتمه مزی انتاج ایده جکدر. برطاقم کوچک ملتک مخصوصات و مميزات ملیه لرینه درت ال ایله صارلدقلری، بر طرفندن ده عادات و عنعنات قدیمه لرینی احیا ایتمکه چالیشدقلری بر زمانده فصل اولورده امت عثمانیه کی مناسقب فاخره سی تاریخ عمومی یه عاندیازبله حق هر هانکی بر کتابک برثلتی اشغال ایده جک اولان معظم بر جمعیت کندی عنعناتی فدا ایده رک بشقه لرینک کندی قبول و تقلیده تمایل ایدر؟

ایشته خط هایون ملوکانه بزمه اوילה بر درس اجتماعی ویرمکده درکه هر عثمانی، بلکه هر مسلمان اونک هر کلمه سی صفحه قلبی اوزرینه ایدی بر صورتده نقش اتمک کرکدر.